



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 4. Religio Hispaniae.

urn:nbn:de:hbz:466:1-13147

omnes desertæ fossorum inopiâ. Quod minus populosâ sit effe-
cere Coloniæ per totum orbem sparsæ. Testes 20. millia Lusitano-
rum Goæ, 4. millia Hispanorum Mexici, sex M. Cusci in Peru-
uia, ut taceam arces ybique gentium excitatas; itemque nau-
gationes longinquas, quæ quantum hominum absument testan-
tur nostræ vrbes maritimæ. Ante aliquot annos educere poterat
Rex Hispaniæ 100. hominum armatorum millia: in bello Alge-
riano 500. naues instruxit, in Tunetensi 600. in expeditione An-
glicanâ 300. naues armatas. Numerantur in Hispaniâ 1500. op-
pida murata, quorum vndecim Archiepiscopos, 65. Episcopos
habent.

§. 4. Religio Hispaniæ.

EIVS supra reliquos Europæos fuere retinentes, ideoque una
ab hæresibus intacta est; ope maximè Inquisitionis quæ primùm
in Mauros & Iudæos districta, in Hæreticos quoque laxata est.
Ab eâ qui multantur induiti ueste quam *Sanbenito* vocant, raptan-
tur ad supplicium cum iis ceremoniis, quæ populo terrorem in-
cutiant.

§. 5. Mores Hispanorum.

LABORIS sunt, & inediæ supra modum tolerantes, quibus ha-
cenus multa præclaræ confecere. In militiâ ordinu retinentissimi,
certissimi fistulatores, hastati loco moueri difficiles. Mirus eorum
in Principem témque publicam amor. Inuidiâ laborant apud om-
nes gentes, quod Imperij magnitudini tantum tribuit Mariana.
Nusquam gentium, quam hic, eruditioni præmia certiora: quam-
quam litteras humaniores iacere queratur Mariana. Neque mi-
nus certa militiæ præmia, quibus miles gregarius ad Imperium
promoueri potest. Certè omnes ferè ex prouinciis, & arcibus di-
vites redeunt.

§. 6. Lingua Hispanorum.

PRÆCIPVA hic Castellana ex corruptione Latini idiomatis.
Lusitana ex Gallicâ, & Castellanâ temperata, ideoque elegans, &
auribus grata. Valentina & Catalanica Narbonensi propior, in